



Corin Curschellas - Rodas

Or da Musica dals 16.04.2021.

[Cultura](#) > [Musica](#) >

Tradiziunal ed innovativ

Rodas – Corin Curschellas, Patricia Draeger e Barbara Gisler

Trais artistas da renum e lur disc nov. Ellas preschentan lur disc cun chanzuns popularas ed atgnas cumposiziuns.

Jachen Prevost

Actualisaziun: Ier, 18:27

Parter quest artigel sco emprim.



Rodas – trais artistas da renum e lur disc nov

Or da Telesguard dals 22.04.2021.

Corin Curschellas s'occupa dapi onns cun chanzuns tradiziunalas rumantschas, popularas ed er da quellas ch'èn bunamain emblidadas. Er durant ils ultims mais è ella stada creativa:



projects en temps da corona

00:37 min, Musica dals 16.04.2021.

Ed ella è perfecziunista. Per ses project nov collavura ella cun la cellista Barbara Gisler e cun Patricia Draeger, ina da las meglras accordeonistas svizras. Ella aveva gia sunà l'orgla da maun sin il disc «La Grischa».



l'accordeonista Patricia Draeger

00:21 min, Musica dals 16.04.2021.

«Rodas»

Il trio è sa preschentà per l'emprima giada il 2016 al festival Alpentöne ad Altdorf. Il public è sta talmain intgantà ch'ellas han decidì da far dapli cun «Rodas», in num che fa vegnir mirveglius. Ed ellas preschantan in'ovra da gronda qualidad, cun 15 chanzuns, gronda variaziun, en bleras colurs, per rumantsch, talian, tudestg da Cuira e dals Guaisers. Ina part da quellas èn atgnas cumposiziuns e diversas èn tradiziunalas en in vestgi nov. Tranter quellas, e quai è ina bella surpraisa, datti er chanzuns da Tista e Schimun Murk:



Schimun e Tista Murk

00:47 min, Musica dals 16.04.2021.

Registrà en ina sala cun atmosfera

Las registraziuns han ellas fatg durant ina fasa da la pandemia pli quieta. La stad passada èn ellas sa scuntradas durant 4 dis en «LA SALA» a Rueun, in lieu cun ina atmosfera sco fatga aposta per lur lavur. Quai era la veglia sala dal vitg, e là devi pli baud blers eveniments, teater e concerts. Pli tard è quai daventà ina sala per la scola, ed uss è quai in lieu per eveniments da cultura, per Corin il pli bel lieu per sa scuntrar e far musica – ed er per registrar chanzuns.



registrar en la Sala

00:38 min, Musica dals 16.04.2021.

Ils 18 d'avrigl è la preschentaziun dal disc a Turitg en la «Kanzlei», senza public, però cun livestream. Ils 24 d'avrigl è in concert a Sent, en la baselgia.

Il livestream: 18-04-2021, 17.00

[Yourstage.live](https://yourstage.live)
